

UMS komited sumbang industri minyak dan gas

UB 13.3.2014 B13

KOTA KINABALU: Universiti Malaysia Sabah (UMS) komited untuk menyumbang kemampunan pertumbuhan industri gas dan minyak Sabah dengan membangunkan tenaga kerja mahir yang terlatih.

Naib Canselor UMS Prof Datuk Dr Mohd Harun Abdullah berkata, dengan kemudahan strategik dan berpotensi, UMS akan menjadi antara yang terbaik menawarkan latihan kemahiran dan berpengetahuan dalam sektor minyak dan gas dengan kerjasama erat dengan pemain industri.

"Justeru, UMS menawarkan Sarjana Kejuruteraan Minyak dan Gas untuk memenuhi keperluan yang sentiasa berkembang dalam aktiviti cari gali serta pengeluaran minyak dan gas di luar persisir Sabah.

"Ini membantu usaha kerajaan negeri untuk menjana tenaga kerja terlatih dan melengkapkan rakyat Sabah dengan kemahiran yang diperlukan bagi menerajui peluang pekerjaan dalam sektor projek minyak dan gas di dalam negara mahupun antarabangsa," katanya



HARUN

pada majlis menandatangani MoU program perkongsian biasiswa antara UMS dan Talisman di Dewan Resital UMS, kelmarin.

Teks ucapan penyanyi disampaikan oleh Timbalan naib Canselor UMS Profesor Dr Shahril Yusof.

Menurut Harun, rizab yang banyak minyak dan gas di Sabah dijangka akan menjadi komponen penting dalam ekonomi negeri ini pada masa hadapan.

Mengulas lanjut, beliau berkata dengan blok air ultra dalam dan luar pesisir, ditambah pula dengan kelompok medan gas, serta

penyiapan Terminal Minyak dan Gas (SOGT), dan Projek Saluran Paip Gas Sabah-Sarawak (SSGP), akan meletakkan Sabah sebagai salah satu hab minyak dan gas terkemuka di negara ini mahupun rantau Asia.

"Menerusi kerjasama antara Sekolah Kejuruteraan dan Teknologi Maklumat UMS dan ketua-ketua industri minyak dan gas, kita yakin UMS mampu melahirkan graduan yang berpengetahuan serta berkemahiran bagi memenuhi permintaan industri dalam sektor minyak dan gas," katanya.